

## Viierendä vahtsidõ võrokiilside laulõ võistlusõ Uma Laul kõrd

Uma Pido kõrraldaja kuulutasõ vällä viierendä vahtsidõ võrokiilside laulõ võistlusõ Uma Laul. Võistlusõlõ oodõtas umaluuduisi umakiilside laulõ, miä omma kullõjilõ umatsõ ja kutsva üten laulma. Laulu võiva olla nii vahtsõaolidsõ ku ka perimüsligu, teemapiirangit ei olõ. Ka laulõ vorm om vaba – tundõlidsõst viiest flamenkoni, regivärsist hiphopini. Laulun või olla kokko pantu vana ja vahtsõnõ (nt regilaul, mis kõnõlas parhilladsõst aost). Üts autor või võistlusõlõ saata kõgõ inämb viis laulu. Ku esitjä taht, või tä hinnäst esi pilli pääl saata, a tuu ei olõ sunduslinõ. Võistlus käü laulõ, mitte ülesastjidõ vaihõl. Varrampa avalikkusõn kõlanu laul võistlusõlõ ei passi. Võistlusõlõ ei oodõta kunstmuduga tettüid laulõ.

### Hindaminõ ja avvuhinna:

- Hindamiskogo kaes laulu ku tervikut, a täl om õigus anda vällä preemiä ka võrokiilside sõnno iist. Pääle selle andas vällä publigupreemiä.
- Avvuhinnafond om 1000 eurot.

### Tähtao:

- 7. mai 2026 – V Uma Laulu välläõikaminõ.
- 23. septembri 2026 – laulõ võistlusõlõ saatmisõ tähtaig.
- 7. oktoobri 2026 – kõrraldaja andva kõigilõ, kiä laulu võistlusõlõ saatsõva, teedä, kas nä omma vai ei olõ võistluskontsõrdilõ päsnu.
- Võistluskontsõrt om 5. novvembril 2026 kell 18 Rõugõ rahvamajan.
- Kontsõrdil saa üles astu tuu, kiä om kohal päävatsen proovin.

### Kiä taht võistlusõl üten tetä, tuul tulõ saata kõrraldajilõ märgosõnno all „Uma Laul“:

- laulu sõna ja teedüs autoridõ kotsilõ, sh kontaktandmõ (e-posti aadrõs, telefon);
- laulu salvõstus (helü või üles võtta ka telefoniga, mp3);
- teedüs ülesastja vai ülesastjidõ kotsilõ (nime, pilli);
- ülesastmisõ plaan (vt „Tehnilidse võimalusõ ülesastmisõs“).

### Tehnilidse võimalusõ ülesastmisõs:

- solistõ, pille mikri,
- pille helüvõimõndus,
- ülesastja uma ansambli(laulu)saadõ,
- ülesastja fono, mille vorm om mp3 vai waw.

Kõrraldaja: MTÜ Võro Selts VKKF

Projektivitäi: Merike Tigas, merike.tigas@wi.ee, tel 5691 6280

Aadrõs: Tartu 48, 65608 Võru

Nõu ja abi rahvalaulu ja võro keele küsümüisin: Urmas Kalla, urmas.kalla@wi.ee, tel 5360 3012

Lähämb teedüs võistlusõ kotsilõ:

[umapido.ee](http://umapido.ee)